




黃嶺頂望沙頭角海

鬼面石



黃嶺

香港羣山譜

之三

易虎



大埔船灣海以北有一列綿長山脈，東起淡水湖西北之涌尾，西止沙螺洞與鶴藪兩村間之拋豬坑，長達四哩許，此即黃嶺山脈。由八仙嶺、黃嶺及屏風山三組山系組成，山勢東西平順而中部高聳，大致東段矮而西段高，計東首第一峯為八仙嶺之仙姑峯，崛起湖邊，高五一公尺，以次而西，為湘子、采和、曹舅、拐李、果老、鍾離及純陽七峯。東首七峯高度相若。自純陽峯回望，山形如波浪起伏，純陽峯高五九〇公尺，為八峯之最高一頂，所謂八仙嶺至此峯即止。由此而西，為黃嶺範圍，山坡先斜降至一系列矮脊，脊南為一滿長矮樹之山谷，有一隱約小徑轉折而下山麓之山寮村，此路頗隱蔽，等閒不宜取道。平脊以西，山嶺重疊，黃嶺主峯高聳於前方偏左，山勢南陟而北緩，南坡幾近垂直，一瀉千呎，小徑經一高五百五十公尺之山峯後折向北首。此峯似名犁壁山，沿脊而過，山坡有一大石突出，下臨無地，其形如鷹咀，上可立人，勇者可登臨其上，又前山坡上有一堆黑石，形如鬼面，與鷹咀石同為黃嶺之異景，未幾山徑自北方折回，直引黃嶺山頂。

黃嶺山高名列第九

黃嶺高六百四十一公尺，頂上近年新立一圓筒形之測量墩，以高度計，黃嶺為香港境內之第九高山，惟其各向被位處東首之八仙嶺所蓋，加以山高路遠，等閒不易登臨，故此山雖為沙頭角與大埔間之最高一峯，空有雄視兩區，威伏羣山之實，未能享有盛名，知遊者少，遂致荒山空寂，過客不多。

黃嶺因山勢高峻，四望無阻，山頂環顧，風光滿目，放眼縱覽，可見登海重山，所謂登海，即大埔海、沙田海、船灣海、企嶺下海、赤門海峽、大鵬海、塔門海、黃竹角海、印洲塘、吉澳海、沙頭角海、后海灣及伶仃洋。所謂重山，即八仙嶺、橫嶺、黃竹角山脈、大青山脈、谷埔羣山、境外之梅沙尖與梧桐山、邊境之麻雀嶺及打鼓嶺諸山、海背嶺、龜頭嶺、屏風山、龍雲兩山、圭角三山、大刀峯、觀音山、大帽及草山、九龍羣山、黃牛諸峯、馬鞍大嶺、西貢之鷄公頭、石屋山、大藍蓋及蚺蛇尖各山、其他較低矮之山峯及相去過遠之山峯海域，如港島中部各山及東陞之七娘山、大鵬灣等，未算在內。

登海重山風光滿目

瀏覽近景，則南望船灣海與北望沙頭角海，均屬佳妙。船灣海被鹽田仔及馬屎兩洲封閉，只餘東南淡水湖大壩與馬屎東岸之出口，海內水靜如湖，羊洲屹立海心。鹽田馬屎兩洲間之石堤似斷還連，東首淡水湖大小四壩全在望內，岸邊汀角船灣諸村，田疇村屋，平原之上點綴三兩密樹小崗，大小車路如帶，大埔沙田企嶺三海之上，島嶼礁排疏落，散處各方，間

有輕舟劃水，飛車過路，背景左右有石屋，中有馬鞍，右有草山大帽，一派山海麗景，怡人心目。沙頭角海一灣深入，北岸西起南涌，而烏石角，而沙頭角谷地及墟市與長伸入海之碼頭。邊境以外，海邊全為沙灘，灘形隨海岸之曲折而迴環，白沙影水，與梧桐梅沙兩嶺之青綠山色相襯，和諧悅目。南岸則鹿頸村座落山麓谷中，村前耕地漁塘平延前伸，海邊一堤阻水，大路橫過其上，左右兩崗對峙環護，四平八穩，地勢開揚，以前因交通不便，致村民四散他徙，今時新闢半路，接通大埔，俟以時日，此村俊盛可期，鹿頸以北，惟見重重山脊，重山以外，吉鴨各洲浮現，又有另一番景色。

屏風八仙各擁奇姿

東顧西眺，一為八仙嶺山系，一為屏風，龜頭諸嶺，八仙嶺惟見純陽一峯。山頂呈角形，左右山坡平緩斜下，坡度相若，左坡半隱於黃嶺山系東首之犁壁山，山麓情形不可見。右坡則全脊展現，山勢平順，直降汀角路後山寮村之東首山崗，轉下平地。此脊為登遊八仙嶺之西線，路徑較僻而行程較為舒徐，不如東線自大美督或牛坳仰攀陡坡之苦，惟東線山路明顯而西線入。難覓，故遊者多趨東而避西。西面屏風山仰承黃嶺餘脈，一峯崛起，與右方隔谷離立之龜頭嶺，南北呼應。兩峯之外為上水區平原地帶，視野直透后海灣外，平原之上，山崗縱橫羅列，外望極目可及寶安縣境之田野村屋山峦水庫。觀景之富，無與倫比，腳下山徑偏向北行，轉折而過屏風山脊。脊南山坡壁立，一羊腸小徑斜下山麓之屏山仔村，此村深

藏山窩之中。山谷上盡為荒田，與另一山村沙螺洞相隔一列矮崗山地，其間相去頗遠，惟自高處下瞰，則兩村只如毗鄰。屏山仔村近年已廢，沙螺洞則仍有人居，因沙螺洞村有半路自大埔汀角路直達。雖僻處深山，仍有可為。

黃嶺主峯三脈外延

黃嶺主峯分三脈向外伸延，東首八仙一脊，前已論及，其餘兩脈，一向西行接屏風山系，一向西南，斜降鴉山及礮頭角諸村，西南一脈，中起一峯高四百五十公尺，其形渾圓如飽，為黃嶺山脈以南之第一高峯，山脊分東西兩支，一走沙螺洞村後，一走汀角村，為南登黃嶺之唯一路線，然路徑不明，上攀圓峯一段山坡頗陡直，而仰登黃嶺主峯，亦非輕易，此線以下行較為適宜，屏風一脈，主峯偏於西首，高五百三十一公尺，山脊高峻狹窄，一徑中通，左方危崖筆削，有一二小山岬突出脊外，山石巖巉，右方山坡平緩斜下，與險峻之陟坡成一強烈對比，每令行者偏右而行，以求心之所安。主峯再過為屏風尾，高度略矮，山坡草短，雖無徑路亦不見難行。又過即至黃嶺山脈之最西一峯，峯頂以外，山坡急降而下間於屏風頂與雲山東坡間之低坳，此地名拋豬坑，為通走大埔鳳園與打鼓嶺平原之捷徑。其上近年建有水塘，有半路自沙頭角公路直達，山坡初段極陡峭，浮沙滑步，中段轉佳，下段則極平順。屏風尾山頂北下為一低坳，坳前有小平地，其上有一旱溪，水道下陷土中，離地面三四呎，溪底為白石，前方水道下陷成一深穴，高七八呎，內有大石卵，穴內陰暗，面積頗大，可

容多人，深穴以下為一懸崖，水盛時流水由此下墜谷底，溪旁有小徑，下走拋珠坑，上接屏風山頂。坳北有一深谷，隔谷為一列長脊，脊旁山壁東立，風化程度極大，岩層鱗狀剝落，寸草不生，脊尾有一山峯聳立，名白燕岩，山坡三面陡峭，形貌險惡，此脊東南接走屏風山主峯，可縱走。

縱走側登均有步道

遊黃嶺有多途，最便捷而明顯者為由八仙嶺西來之路，只需先登八仙山脊，即可沿脊西行而至，下山則可自屏風尾山坡斜下拋豬坑，此線縱走黃嶺山脈，惟路程頗長，第二線以沙螺洞為起點，可自大埔墟乘鄉村街半至村。或自鳳園村明倫學校後沿半路至村前，問路入屏山後村，自村後山坡小徑登上屏風山與黃嶺間之山脊轉東至山頂，回程可北走龜頭嶺下沙頭角路或東過八仙嶺至鹿頸公路或大美督，或逕自黃嶺西南山脊而下汀角，第三線則自南涌登海背嶺，過龜頭嶺及屏風山而至，下山途徑隨時間與興趣而作選擇，無論任何一線，均需一日時光，登山時雖略嫌跋涉，一俟翻上山頂，便可游目四顧，飽覽海光山色。疲勞頓解，且




一至脊上，即可漫步而行，無論東行或西走，盡爲下山之路，儘可快意而爲，不虞再有汗流氣喘之苦。

遠眺近瞰移位換形

自黃嶺山脈南瞰大埔海，各峯所見大致相同，因東西位置不同，角度微有差異，其最明顯者有二，一爲淡水湖之大壩，一爲馬鞍山頂，在八仙嶺仙姑峯所見之大壩，西北、東南斜置，夾角爲三十度許，純陽頂上，轉爲四十五度，而黃嶺山頂，則幾近於垂直，而偏向東北。屏風山上，因視線被阻，不能得見，馬鞍山頂之形，在仙姑峯可見雙峯並立，相去不遠，在純陽峯則兩峯貼近，黃嶺頂只見角形山峯，而屏風山所見，則只爲一尖銳山嶺而矣，各處所見不同，縱走此脈，可體會移位換形之真義。

約廿多年前，曾見有人倡議稱東起八仙嶺，西止雲山之一列山脈爲十八仙或十八羅漢，謂此列山脈共有十八高峯，惟此議終未爲旅行界所接受，所謂十八峯不知究何所指。自八仙嶺起，計八仙八峯，黃嶺三頂（主峯，犁壁山及西南峯），屏風三山（主峯，屏風尾及白燕岩），雲山兩頂，合爲十六，如加龜頭嶺及龍山，則爲十八，然龜龍兩山不在橫列山脈之上，且自大埔海仰望不見兩峯，強爲加入，於理未安，真相爲何，有待訪查，姑記錄此一舊聞以作參攷，並爲本文之殿。

由八仙嶺純陽峯望黃嶺



屏風山上望黃嶺

